



PARAPHRASIS
PROPHETIÆ
Maleaci poëtica.



EDINBURGI,
Excudebat Andreas Hart,
Bibliopôla, Anno. 1611.





¶ Paraphrasis Prophetiæ MALEACI.
Poëtica.



CAP. I.

Iccine cura mihi summo dilecta parenti
Progenies respôsa dares? præclara benigni
Ecce animi documenta tui, sors ferrea vitæ
Opprimet electâ nullo discrimine gentem.
Non fuit Isacidis cômuni sanguinis? uno

Quos geminos partu dederat lectissima fratres

Mater, in his privæ ceu forti in secla minori

Signa dedi, sobolique mei manifesta favoris :

3 Ast odiis major merito mihi præstat alendi

Materiam æternis : hinc desolavimus arces

Montibus impositas, hinc devastavimus agros,

Quæque prius noti coluerunt læta coloni,

Colla tumens multo coluber tenet arva veneno.

4 Ergone tam diram sublato pectore vocem

Consiliis jam lapsa suis rupisset Idume,

Sit licet exilio tenuis fortuna, superbæ

Mole sua mersæ jaceant cum mœnibus urbes:

Stat reducem veteres tandem reparare ruinas,

Instaurare domos, lacerique cadavera regni :

Iova potens armis numero quoque agmine, gentem

Ora in Idumæam sic indignantia solvit.

Mœnia magna locent, & propugnacula bello,

Tam valido aërias cingant munimine turres,

Æquatas coelo miretur ut advena moles:

Hæc tamen à multis peragetur fabula seclis:

En loca sola prius populis habitata profanis!

In scelus æternas en iusti numinis iras!

V. His animi, vestra his pascentur lumina visis,
Rura paterna, lares, & pingua culta colentum,
Hæc quoque cantantum, quanto se robore Iovæ,
Quam se mirandis attollit gloria rebus!

VI. Pignora grata pios, qui se genuere, parentes,
Verna ministeriis nutumque paratus herilem
Si reverenter habent, merito dignantur honore:
Sive salutatum patrem me in vota vocatis
Seu dominum, vobis nostri quo pulsus honoris
Est amor? ulla mei mentes reverentia tangat,
Me toties dominum dedignatasque parentem?
Ille potens rerum vobis hæc voce profatur,
Qui cura assidua sacras vigilatis ad aras,
Cum secura mei series sit, & impia vitæ,
Nominis ingratis sordescat gloria nostri,
Non pudet obiectis commissa obtendere velis?
Crimina vestra, Deo male responsando, negare?

VII. Cum struitis domini vetitis altaria donis,
Idne pium est ritu cultum scelerare profano?
Numinis hos dubium est nomen temerare verendi
Quicumque impura dape, vel libamine mensam
Accumulant, epulis tanquam genialibus, alti
Numinis, & sacrae sunt hæc ludibria mensæ.

VIII. Non scelus admissum est, si víctima luminis orba,
Cujus & ignavos languor gravis occupat artus,
Si vitio turpi, si fixo vulnere clauda,
Ante meas aras vestra cadat hostia dextra?
Talia jura tibi danti si missa ferantur
Munera, num placido te, vel donaria vultu
Respiciat, ferrique suum fateatur honorem?

IX. Nunc age pollutis, polluto pectore, sacris,
Accensum vitiis, nobis populoque Deorum
Conciliate Deum, memori ne vindicet ira
Crimina, ne gentem renuat vel dona ferentem.

X. Non apud ingratos animos testata reliqui

Plurima

Plurima dona? quibus nostra indulgentia captos
Mente beat, gratis num limina sancta serantur
Nostra? vel impositis ardent altaria fibris?
Delitiae quondam Domini, nunc nulla voluptas
Cura, laborve mihi, gens effraenata, nefanda
Perfidia dextram violans, secura futuri
Supplicii, tua vota, mihi tua munera sordent.

XI. Nam quibus est orbis radiis tepefactus Eois,
Et quibus occiduas Phœbus face purpurat undas,
His fuerit nomen Iovæ, & venerabile numen
Gloria sola, decus, columen, spes una salutis,
Omnibus ara locis sacratis ignibus halans
Iovæ erit, & passim gentes donaria templis
Pura ferent, purisque colent pia numina votis:
Namque erit his magnum Iovæ, & venerabile nomen.

XII. Ah scelus indignum, male grato est pectore vobis:
Majestas temerata Dei, nomenque verendi:
Debita dum sacræ non dantur fercula mensæ,
Victima nec sanctis fertur lectissima fanis.

XIII. Illita religio fuco est, specieque decora,
Hostia, cui macie pellucent ossa suprema,
Cum datur, ad flatum, flatum torquente labello,
Quæ ruat, & pluma levior, folioque caduco:
Vos tamen haud pudet hæc vilissima dona ferentes:
Dicere, lassæ gemunt tanto sub pondere membra,
Ecce suo Dominum cultu & dignamur honore:
Cum vitulus, cujus languent in corpore vires
Raptus ab invito, vel adactò vulnere claudus
Aut oculis captus, votivo sanguine tingit,
Sanguine funesto fumantem polluit aram:
Iova potens armis rigido sic torva resolvit
Ora sono, immundæ placeant mihi munera dextræ?

XIV. Illius infandi capitis maledictio sensim
Dura per ossa fluens perrumpit viscera, fraudem
Ille suo capiti suit, & creat improbus ille,

Qui sibi cum puri balent in ovilibus agni,
Et placidum sine labe pecus, prætere nuber
Fraudibus haud dubitat, vocis dum cuncta tuentis
Autumat impuris superari numinis iram.
Ille ego cum belli sim, pacis ut arbiter unus
Terrarum cœlique fator, turgentia fastu
Imperio cum regna premam, meterque tyrannis,
Iova ait, & magnus mundi, & regnator olympi,
Nominis ingentis timor, & reverentia nobis
Debita constabit gentes diffusa per omnes,
Claraque per cunctas splendet gloria terras.

C A P. 2.

VOs genus Aronis, genitique è semine Levi,
Sincera ut maneant in religione nepotes,
Ut domino puri à populo celebrentur honores,
Convenit ante alios ritus vitare profanos,
Moreque sacrorum mandato, & lege teneri.

II. Sin sedet hoc animo divina resolvere jura
Nec dociles capiunt sensus mea verba, nec aures,
Nec studium nostræ laudis, curamve quietos
Securosque mei juvat alta mente reponi:
Iova potens armis rigidis ita sancta recludit
Ora minis, premet incautam maledictio turbam,
Et bene cui dixi facilis, beneque ante cupivi,
Plena iræ in gentem verba execrantia fundam,
Verbaque nostra fides, maledictaque damna sequentur,
Nunc bene de populo, male nunc meruisse videbor
Dedignante animis infigere fœdera legis.

III. Indeque sulcatis Cerealia semina campis
Obruta, spem longam miseri vitiare coloni
Stat, simul ora fimo votivæ sparsa juvenæ
Impia fœdare, & turpi confusa rubore
Tingere, corporibus vitæ jam lumine cæsis

Ceu pingui saturare solum lætamine campi,
Membræque mista fimo nigro squalentia tabo
Rusticus abripiet, lætos dum stercoret agros:
Tot facies scelerum manet hæc infamia merces.

IV. Vos lateat quænam tabulis signentur ahenis?
Quæ dederim mandata? tribus diffusa per omnes
Sola ut gens sancto demissa à sanguine Levi,
Sanguine votivo sacratas imbuat aras:
Sola mihi gratos accendat thuris honores.

V. Huic etiam servata fides promissa, nec ulla
Arguit immemorem percussæ fœderis hora,
Fœdera servantem, & dominum reverenter habentem:
Quanta beaverunt longævæ commoda vitæ!
Iure quot auxerunt lætis successibus alma
Ocia tranquillæ pacis mea iussa sequentem!
At contra immemorem, solventem fœdera pacti
Cladibus affixi, pœnis, duròque labore
Perdomui numero exiguam sine nomine gentem.

VI. Hæc domus Aronis, sobolèsq; è semine Levi
Cum data tractaret divinæ oracula mentis
Illibata, animis referata fidelibus, ipsum
Nec populum errantem mendaci voce fefellit,
Cum scelerum immunem mentemque manumque gerebat.
Nec sibi fucato placavit numina cultu,
Errorem revocans sanctæ ad compendia vitæ,
Pace fruebatur, pacis bona plurima carpens.

VII. Sic erat ut vigili cui sunt altaria curæ
Sancta sacerdotis divini oracula verbi
Ora tuebantur, volventia dogmata legum
Atque iter ignaris veræ pudentia vitæ.
Numinis interpres cum sit qui numina sentit,
Quid dominus struat ad populum perferre tenetur?

VIII. At vos immemores recto de tramite gressus
Aversos flexisse juvat, commenta cerebri
Traderéque humani, vestro pars maxima gentis

Exemplo

Exemplo titubatque, offenso in fœdera passu,
Iova ait, & pacti legumque oblita mearum.

IX. Per vos spreta jacet divini gloria cultus
Iussas ire vias Domino monstrante negantes,
Omnibus hinc nostro cùm numine nomina sordent
Vestra, insultantum hinc miseris ludibria manant,
Quòd mea sublato calcantur fœdera vultu,
Et tumido injustæ funduntur ab ore querelæ.

X. Perfidiane rei, veterumque statuta parentum
Sancta abruptantes fraterni vincula pacti
Solvimus, externo quando indulgemus amori
Conjugii? humanæ nonne una est stirpis origo
Primus in orbe parens? primi pater, bis ut unus
Conditor, ac sobolis demissæ à sanguine primi?

XI. Siccine præclara infandam prætexere culpam
Non pudet Isacidas specie, Solymæque colonos?
Et sibi præscriptas legum transcendere metas?
Sacra profanantes vetitis connubia tedis,
(Chara piis animis) sociatos fœdere lecti,
Conjugibus, quæ sculpta colunt ludibria trunci.

XII. Talia patrantem velut immedicabile vulnus
Iova manu valida sancta de gente recidet,
Ne mala per totam serpant contagia turbam,
Neve hic processu possit crudefcere morbus
Artifices sceleris tanti, selectisque ministros
Exitio dabit, ut cumulent altaria donis.

XIII. Huic etiam poterant succumbere perfida culpe
Pectora, legitimi sacrata resolvere lecti
Iura? nefanda tibi num sit pro-conjuge pellex?
O scelus indignum, thalamos tectasque jugales
Prodere! non conjunx lachrymis conclamat abortis?
Hinc fletu, & querulis aras ululatibus implet,
Hinc ingrata cadit mihi victima, munera sordent.

XIV. Num dubij hærent animi cur hostia nulla
Grata cadat sacras domini indignantis ad aras:

Cum

Cum servata fides non sit promissa priori
Connubio, calidæ primævo in flore juventæ,
Quæ testante Deo lociæ thalami data, eodem
Vindice fallitur, qui sancti est fœderis author.

XV. Fœmina nonne viro primum una est condita primo?
Conjugione duos hominem ceu fecerat unum
Spirituum genus omne pater, qui condidit unus?
Hinc thalami ut veniant legitima pignora casti,
Progeniémque Dei semen cœleste propaget.
Ni sedet hoc animis fixum immotumque furenti
Obiectare animas æterni judicis iræ,
Sit temerare nefas genialis fœdera lecti,
In quæ venistis crudæ sub flore juventæ.

XVI. Cumque invisa Deo fidei perjuria consens
Legis inumbrata obtentu, ac dimissio charæ
Conjugis, & spreti divini injuria pacti,
Sit procul à vobis thalamos violare jugales,
Dedere tartareisque animas horroribus orci.

XVII. Irritant dominum stolidæ convitia linguæ,
Quæritis unde tamen? manant hinc numinis iræ,
Cum juvet insanis tantum indulgere querelis,
Ut sceleris fontemque boni, vitæque perennem
Iudicio condemnatum insimuletis iniquo.
Pectora num domino pravi studiosa probantur?
Cum vitiis dant fræna suis, lætæque fruuntur
Sorte tamen, tristisque pios fortuna remordet:
Nec Deus hic æqui, aut rerum moderatur habenas:
Læditur his numen verbis petulanter amaris.

C A P. 3.

Nuncius ecce feret mundi mandata parentis
Imperio summi parens anteambulo regis,
Venturo sternensque viam dabit æquor apertum,
Insistensque sui regnator limina templi

B

Acc

Accelerabit iter, tota quem mente petistis
Scilicet, æterni firmator fœderis, ecce
Iova ait, ingressu necopino oppresserit hostes.

II. Illius adventu metuendo exterrita tellus
Intremet, aspectu horrendo se subtrahet omnis
Impietas, pulchro pietas perfusâque fūco
Aulâ suos fuerit coram sustollere vultus?
Ac veluti fulvum quod fusile fecerat aurum
Argentumque ignis recoquens à fece re purgat,
Smegmata candentem ut reddunt fullonia vestem.

III. Ille salutifero sic sanguine pignora Levi
Labe repurgabit, maculas & crimina lapsus
Abluet electæ gentis, quo víctima sacras
Grata cadens tandem devota litetur ad aras:

IV. Quò Dominum capiant mundæ donaria dextræ,
Hincque juvet Solymæ, Iudæque oblata juvenca,
Ceu placuit veterum mactata ex more parentum.

V. Ecce etiam grave iudicium scelerata subibit
Turba sub adventum flammæ iudicis, ecce
Testis ero magicas tentatas sæpius artes,
Turpis adulterii pollutæque corpora labe,
Nec revocata semel falsa perjuria linguæ,
Fraudatos pacta famulos mercede laborum,
Quæ viduos lugent thalamos, orbata parentum
Pignora præfidiis, peregrinas quærere terras
Quos mala fors, domini vel mens studiosa colendî
Impulit, hos veriti non sunt violare scelesti,
Quæis fera mens, nostri quæis pectus inane timoris
Talibus ora modis Iova indignantia solvit.

VI. Ipse mihi æternum similis cùm lauder in ævum,
Temporis haud vicibus, rerumque obnoxius ullis,
Cùm stabilis maneam, dem cætera cuncta moveri,
Pollicitique fides tabulis signetur ahenis,
Hinc Iacobææ firmantur pignora stirpis,
Hinc penitus non sunt odiis excisa profanis,

VII. Vos licet immemores veterum de more parentum
Sancta profanantes divinæ fœdera legis
Solveritis, vestros indigna, nefanda patrantum,
Nec mea sollicitent animos mandata quietos:
Huc revocate tamen gressum, ne devius error
Longius excedat recta regione viarum.
Vos quoque respiciam vultu placatus amico,
Accipiens animum in flentes commissa benignum:
Nil peccasse tamen, male nil meruisse scelestos
Dicere nil pudeat? falsa qui crimina voce
Impia prætexunt, sceleris mea numina damnant.

VIII. Vili hunc gens cuiquam permisit barbara morem
Quem sibi quæque Deum coluit pro numine vero,
Fanaque sacra Deo turpi spoliare rapina?
At bona nostra animis multi prædantur avaris,
Quæritis unde tamen? votivo ut munere multi
Numina, sic decimis fraudant altaria nostris.

IX. Scilicet ex multis gentem perdiscimus omnem
Sacrilegam: Nam quæ mihi non indebita posco,
Munera cum decimis manibus raptantur iniquis,
Hinc dira in totam serpit maledictio turbam.

X. Errabunda igitur retrò vestigia vertant
Instabiles animi, scelerati injuria furti
Absit, & impositum decumarum pendite læti
Vestigal sine fraude, meis alimenta ministris,
Atria quæis curæ, sacrique altaria templi:
Hinc dabitur largæ specimen, vos sumite, dextræ,
Jova ait, hinc gravidæ nubes solventur in imbres,
Claustra revulsa dabunt cœli lato ore fenestras,
Vnde fluet lætos semen genitale per agros,
Vnde pluet gratis pleno bona copia cornu:
Et vestra immensæ rumpent granaria messes.

XI. Nulla tuis insecta fatis, cœlive ruina
Obfuerit, nec bruchus edax, nec grandinis imber
Officient gravidi lætis proventibus agri,

Cultaque parebunt avido vineta colono :

XII. Felicemque feret lectam gens cætera gentem,

Quam beat innumeris cœli indulgentia donis:

Vbertatis erit voti ut mensura colonis

Omnibus, hæc dominus quam dat tibi terra colendam,

XIII. Cum mihi blasphema fiant convitia lingua

Obfirmato animo, pudeat commissa fateri?

Et qua voce meum lædatur quærere nomen?

XIV. In me funduntur fœda hæc opprobria, pura

Nequicquam colimus rerum pietate parentem,

Et frustra immunem scelerum mentemque manumque,

Sanctæque divini servamus fœdera pacti,

Frustra ante ora Dei metus & dolor anxius urunt.

XV. Tum quibus infræni turgescunt pectora motu,

Quando his perpetuum servet sors blanda tenorem

Lætitæ luxurque, licet memorare beatos,

Quæque scelus studio gaudet committere pravo

Improbitas sine more ruens, sine lege, caducæ

Omnibus aucta bonis vitæ, decoratur honore,

Quique Dei vires malefida mente rebelles

Explorant, dextræque petunt documenta potentis,

Mollia securæ traducunt ora vitæ.

XVI. Ast quibus est Iovæ timor, & reverentia curæ,

Sæpius hæc memorant, & grata mente volutant,

Scilicet hæc stolidæ dominus convitia linguae

Sedulus observat, maneant ut mente reposita,

Quæ toties sacras ejus funduntur in aures;

Quæ mala cunque ferunt cœlesti semine creta

Pignora, quæ bene cunque gerunt metuentia Iovæ

Pectora, scripta Dei dextra monumenta reservant.

Excubat his numen, quibus est in honore, verenda

Quique pia assidue volvunt oracula mente.

XVII. Horum cura mihi fuerit, quanta esse peculi

Debet, ubi gregis agnorum mihi census habetur,

Tum mihi pro grege, tum fuerint pro divite gaza,

Et pro privata patrimoni in secula sorte,
Iova ait, & patria solventur crimine cura,
Ceu patris indulget placitis clementia natis.

XVIII. Si redeunt, iussamque viam non ire recusant,
Quos prius abduxit rectâ malè credulus error,
Cernere erit, quanto injustis dñi crimine iusti
Distiterint, pietas simul impietatis amanti.

C A P. 4.

ECce repente aderunt decurso tempora circolo,
Cum calidis ceu flamma furens fornacibus, æstus
Flagrabit rapida stimulis non mollibus iræ:
At velut in stipulis sævit crepitantibus ignis,
Ipsa nec ante suas ponunt incendia vires,
Quàm cuncta in cinerem & fumum vertantur inanem,
Sic quibus instantur ventoso pectora fastu,
Turpibus at scelerum maculis imbuta novorum
Improbis æternæ in flammæ corruet iræ,
Et patulos pascim ramos à stirpe recisos
Falce premet dominus, penitus radice revulsa,
Cum tremet è vultu ipsius conterrita tellus,

II At quibus est sancti reverentia numinis, horum
Mentibus affulgens dominus, lux aurea mundi
Iustitiæque jubar, radius pia pectora puris
Perfundens, cæcas scelerum splendore tenebras
Discutiens, animas lethali vulnere læsas
Purgabit, blandæque alarum proteget umbra,
Sanctæque crudeſcent renovatæ robora mentis
Processu, ut vitulis distendant pubula nervos:

III. Quemque diem magnæ jamolim diximus iræ,
Hoc dabitur pressos pedibus calcare profanos,
Ceu teritur triviis pulvis deformiter attris,
Iova potens ductor numerosi hæc agminis inquit.

IV. Hæc mentem interea subeant, animis que reposta
Permancant, Moses studio curæque fideli
Quæ tulerat servanda sacris præscripta tabellis,

Cui ..

Cui populo portanda meo mandata dabantur,
Iuráque quæ statui Sinæo in monte sequenda.
Sollicita noctesque diésque revolvite cura.

V. Nam prius Elias æterni antecambulo regis
Mittetur, cui sternat iter, det & æquor apertum,
Quàm promissa dies Iovæ est ventura, piorum
Expectata animis, multum metuenda profanis,

VI. Qui solido fidei vincolo, qui pace beata
Vinciat unanimes, & dulcia pignora patres:
Ne mea, si non sit miseræ sibi conscia sortis
Turba suæ, secura mei sit, & impia, tandem
Seviat in totam mota indignatio gentem.





PARAPHRASIS,

4. 5. & 11. Capitum Pro-
phetiæ IESCHAHIAE.



Paraphrasis Poëtica Ieschahiaë.

CAP. IV.

A St ubi confecto fatalia tempora circlo
Volventur, natum germana ex gente perempta
Mille malis, veniet felici fidere germen,
Illius auspicio cineres atque ossa Sionis
Cladibus exhaustæ, tollet super ætheris axem
Gloria, laus immensa, pii splendorque decoris.

II. Quisquis enim è tanta superabit clade piorum,
Seque feret Solymæ civem sanctæque Sionis,
Gens augusta mihi gens justa vocabitur, illi
Vita fluet puro vitæ de fonte perennis.

III. Sic erit, ut scelerum sordes, turpique madentes
Abluerit dominus Solymæas sanguine dextras,
Sustuleritque malum invisum sibi cognitor ultro
Spiritus è medio, & chara sit gente piata
Insinuet sese flammanti in corda vigore.

IV. Tendet in adversos hostes fervore furentes,
Teque super sedésque tuas, super alta Sionis
Culmina, concilium populi sua brachia pandet,
Perque diem nubes, per cæcas pila tenebras
Flammea, dona poli, & summi decora alta parentis,
Asseret excretam cœlesti semine gentem.

V. Æternæque supervolitans vis provida mentis
Leniter alarum tectum tutabitur umbra,
Splendida Phœbæ ne spicula lampadis urant
Luce cutem, damnumve datum tentoria tangat.
Perfugio hoc uno certam latebrisque salutem
Quæsieris, dum sæva tonat fortuna. malorum
Dum capiti ingruerit flumen, cælique ruina.

PARA

Paraphrasis poetica IES CHAHIAE

CAP. II.

- V**irgula truncati post mœsta cadavera regni,
Stirpe sua tenui veniet Iessæ propago,
Surculus hic sancto subiens è semine patrum,
Clara per immensum diffundet brachia mundum.
- II. Hunc super incumbet patris spirabile numén,
Absque modo & numero patriis virtutibus augens,
Scire docens tum recta sequi, tum lumine veri
Accendens animum, solerti indagine rerum
Cunctarum instituens, & pectora nescia falli,
Ut meritis vastum divinis impleat orbem:
Illius auspicio sanum de rebus habebit
Consilium, nec inanis erit sine viribus ausus,
Notitiæque Dei accedet reverentiâ patris.
- III. Si qua ulli pietas animo, quæ curet amicum
Numen habere, aciéque repente, & nare sagaci
Sentiet halantes notæ pietatis odores:
Intima cernentis taciti penetralia sensus
Iudicis externæ capiant ludibria larvæ
Corda? nec arbitrium aspectus aurisve secuti.
- IV. Pauperibus sua jura suis, animique modestis
Munifici mitis dabit indulgentia Regis:
Corripiet fontes minuens clementior iras,
Regalique orbem subiget moderamine sceptri:
At simul impietas reprobo pereunte peribit.
- V. Hunc circum sincera fides comes addita dictis,
Iustitiæ claros decorabunt baltea lumbos:
- VI. Vnde lupus pecori prius insidiatus ovillo

Vtetur gregibus posita feritate tenellis:
Tutæque non metuent hædi consortia pardi,
Et catulum vitulus depulsus lacte leonis
Impavidè audebit noto sociare cubili,
Et fera sub tenero, & cicura armenta puello
Pinguia depositis tondébunt pascua bellis.

VII. Vrsæque cum vacca placidè per pabula campi
Pascentur, catuli lustrò condentur eodem,
Cum bove pacatis erransque leunculus arvis
Amplius infandas non vertet in antra rapinas.

VIII. Nullæque lethali pestis medicata veneno
Aspis, & effossis prorepens cruda latebris
Vipera, fingentem mollis certamina ludi
Læserit infantem depulsùm lacte puellum.

IX. Tum genus indomitum sylvestria corda ferarum
Ponet, & electam divino numine gentem
Securam statuet dominus super alta Sionis
Culmina, cum cœli mitis clementia terram
Cognitione sui, & veri splendore fovebit,
Quanta mole fluunt spumantes æquoris undæ.

X. Tum quoque Iessæo ductor de semine cretus,
Signifer ipse sui populi, sub signa vocabit
Quas videt Occasus gentes, quas Euræ, & Arctos,
Quique die medio populi torrentur ab axe:
Huc genus humanum cunctis de finibus orbis
Confluet, & sacro Domini pendebit ab ore,
Hoste triumphato, & posito certamine belli,
Quàm se pacatis attollet gloria rebus!

XI, Vt populo quondam Pharii juga dura Tyranni
Dempta manu valida fuerant, stat denuò dextram
Tendere præstantem bellis & robore dextram,
Reliquias legat ut sparsas, lætòsque reducat
Abramidas, Arabum, Memphisque immitis, atrocis
Assyris, Ethiopum, Lybicæ, cum Sinare, gentis
Reliquias tennes, Chamathæque & Persidis atræ,

Quæque colunt vitrei spumantia litora ponti:

XII. Claræque sublatis ad gentes præconia signi
Perferat, ut pulsos revocet, sparsosque reducat
Non ementitos sancta de gente nepotes,
Ultima quæ sese pandunt confinia terræ,
Sub Phœbo quacunque jacent, vel cardine cœli.

XIII. Non lacera gaudens ibit discordia palla,
Non odiis Iudæ Ephræmo feret arma quieto,
Hôte quod extincto, & bello, socialia pangent,
Et firmata colent æternæ fœdera pacis.

XIV. Iura Palestinæ dicent famularia terræ,
Hisque Moab famulas dexteras, his tendet Idume,
Subque suas mittent Ammonia mœnia leges.

XV. Arva iterum exundent sanctæ Neptunia genti
Obvia, cæruleosque sinus & flumina pandant
Palmifer Euphrates, Nili septemplex undæ:
Quod modo pontus, erit sitientis campus arene,
Aspicient sola vasta sali cumulanda rubentis,
Fluminæque, abstrusas vento turbante lacunas,
Iovam indignanti similem, similemque minanti
Sublatas agitare manus, librata ferentes
Vulnera, divulsis maris & fluvialibus nudis,
Ducentemque suas tranquilla per æquora turmas
Per vada sicca sali gressas, ceu strata viarum.

XVI. Namque opifex rerum stagnantes aggeret undas,
Victor ab auroræ populis captiva reducens
Agmina, ceu patrias quando remeavit ad oras
Iuda olim Pharii domita feritate Tyranni.

FINIS.